



Ty'r Cwmnïau
— er gwybodaeth —

Fel yr addaswyd gan Ddeddf Cwmnïau 2006

Cosbau Ffeilio Hwyr

GBA5CYM

Mai 2009

Fersiwn 12

BERR

Adran Busnes,
Menter a Diwygio Rheoleiddio

Mae'r canllaw hwn ar gael mewn ffurfiau eraill gan gynnwys Braille, print mawr a thâp clywedol. Am fanylion pellach gweler ein gwefan – www.companieshouse.co.uk neu e-bostiwch ein Hadran Ymholiadau ar enquiries@companieshouse.gov.uk neu ffoniwch ein Canolfan Gysylltu ar 0303 1234 500.

Rhaid bod yn ymwybodol o'r canlynol wrth ddarllen y nodiadau canllaw hyn:

Mae rhai (ond nid y cyfan) o ddarpariaethau Deddf Cwmnïau 2006 wedi dod i rym. Gan hynny, mae rhai o ddarpariaethau Deddf Cwmnïau 1985 yn dal yn berthnasol. Rydym wedi ceisio gwneud yn glir drwy'r holl nodiadau hyn, gymaint â phosib, pa Ddeddf sy'n berthnasol. Os hoffech chi wybod pa ddarpariaethau yn y Deddfau priodol sydd mewn grym, galwch heibio i'n gwefan www.companieshouse.gov.uk. Mae dolen ar ein gwefan hefyd i wefan BERR (Yr Adran Busnes, Menter a Diwygio Rheoleiddio) www.berr.gov.uk/bbf/co-act-2006/index.html, lle gallwch weld rhagor o wybodaeth. Mae rhai darpariaethau yn y Ddeddf newydd yn amodol ar drefniadau trosiannol. Cyhyd â phosib, eglurwn hyn yn y canllaw hwn a rhown fanylion ar ein gwefan

Mae un cam pellach yng ngweithrediad Deddf Cwmnïau 2006 a drefnwyd ar gyfer Hydref 2009. Byddwn yn diweddarau unrhyw nodiadau canllaw a effeithir gan y gweithredu hwnnw ar y pryd. Efallai yr hoffech chi gadw golwg ar ein gwefan hefyd lle byddwn yn cyhoeddi rhagor o wybodaeth wrth i'r broses o weithredu barhau, er mwyn ichi gael mynediad at y newyddion diweddaraf.

Tan fis Hydref 2009, mae'r nodiadau canllaw hyn yn gymwys yn unig i gwmnïau wedi eu ffurfio ym Mhrydain Fawr (Cymru, Lloegr a'r Alban). Bwriedir wedyn i'r system ar wahân ar gyfer Gogedd Iwerddon ymdoddi i system gyfunol ar gyfer y Deyrnas Unedig i gyd.

Cynnwys

Cyflwyniad

1. Egluro cosbau ffeilio hwyr
2. Sut i osgoi cosbau ffeilio hwyr
3. Unwaith y gosodwyd cosb ffeilio hwyr
4. Gwybodaeth bellach

Canllaw yn unig yw hyn a dylid ei ddarllen ar y cyd â'r ddeddfwriaeth berthnasol.

- *Gorchymyn Deddf Cwmnïau 2006 (Dechreuad Rhif 5, Darpariaethau Dros Dro ac Arbedion) 2007 (OS2007/3495),*
- *Rheoliadau Cwmnïau (Cosbau Ffeilio Hwyr) a Phartneriaethau Atebolrwydd Cyfyngedig (Cyfnodau Ffeilio a Chosbau Ffeilio Hwyr) 2008 (OS2008/497).*
- *Deddf Cwmnïau (1985) a 2006,*

Cyflwyniad

Rhaid i bob cwmni - preifat neu gyhoeddus, bach neu fawr, yn masnachu neu heb fod yn masnachu - anfon ei gyfrifon a'i adroddiadau i Dŷ'r Cwmnïau bob blwyddyn. Os cyflwynir cyfrifon ac adroddiadau'n hwyr, bydd y gyfraith yn gosod cosb awtomatig.

Mae'r canllaw hwn yn egluro cosbau ffeilio hwyr yn fanylach. Mae'n cynnwys cyngor ar sut y gall cyfarwyddwyr cwmnïau fodloni eu rhwymedigaethau ffeilio heb dynnu cosb.

Ar gyfer blynyddoedd ariannol yn dechrau ar neu wedi 6 Ebrill 2008, caiff cyfrifon ac adroddiadau eu paratoi a'u ffeilio o dan Ddeddf Cwmnïau 2006 yn hytrach na Deddf Cwmnïau 1985. Mae yna rai gwahaniaethau yn ôl pa Ddeddf sy'n gymwys i'r cyfrifon a'r adroddiadau. Eglurir hyn yn y canllaw hwn.

Pennod 1

Egluro cosbau ffeilio hwyr

1. Beth yw cosbau ffeilio hwyr?

Cyflwynodd y Senedd gosbau ffeilio hwyr ym 1992 i annog cyfarwyddwyr cwmnïau cyfyngedig i ffeilio'u cyfrifon a'u hadroddiadau'n brydlon gan fod rhaid iddynt ddarparu'r wybodaeth statudol hon ar gyfer y cofnod cyhoeddus. Mae Deddf Cwmnïau 1985 a Deddf Cwmnïau 2006 ill dwy yn dweud y caiff cosb awtomatig ei gosod ar unrhyw gwmni sy'n cyflwyno'i gyfrifon a'i adroddiadau i Dŷ'r Cwmnïau ar ôl y cyfnod a ganiateir ar gyfer ffeilio.

2. Faint yw'r cosbau?

Mae hynny'n dibynnu ar ba mor hwyr y bydd y cyfrifon yn dod i law'r Cofrestrydd.

Mae bandiau cosb uwch yn gymwys i unrhyw gyfrifon a gaiff eu cyflwyno'n hwyr ar neu wedi 1 Chwefror 2009, p'un ai o dan Ddeddf Cwmnïau 1985 neu Ddeddf Cwmnïau 2006 y cân nhw eu ffeilio (mae unrhyw gosbau am ffeilio cyfrifon yn hwyr o dan Ddeddf Cwmnïau 2006 yn cyfeirio at flynyddoedd ariannol yn dechrau ar neu wedi 6 Ebrill 2008).

Mae'r tabl canlynol yn dangos y bandiau hyn:

Hyd yr oedi (ar ôl dyddiad dyledus y cyfrifon)	Cwmni preifat	Cwmni cyhoeddus
Nid mwy na mis	£150	£750
Mwy na mis ond nid mwy na 3 mis	£375	£1,500
Mwy na 3 mis ond nid mwy na 6 mis	£750	£3,000
Mwy na 6 mis	£1,500	£7,500

Sylwer bod lefel y gosb yn dibynnu ar a oedd y cwmni'n gyhoeddus neu'n breifat ar ddiwedd y flwyddyn dan sylw.

Cosbau dwbl

Caiff symiau'r tabl uchod eu dyblu yn yr amgylchiadau canlynol:

- Lle caiff y cyfrifon eu ffeilio'n hwyr o dan Ddeddf Cwmnïau 2006; a
- Lle'r oedd cyfrifon y flwyddyn gynt o dan Ddeddf 2006 (h.y. ar gyfer blwyddyn ariannol yn dechrau ar neu wedi 6 Ebrill 2008) hefyd yn hwyr.

Er enghraifft:

Mae cwmni preifat yn ffeilio cyfrifon mwy na 6 mis yn hwyr o dan Ddeddf Cwmnïau 2006 ac yn tynnu cosb o £1,500.

Y flwyddyn wedyn, mae'r un cwmni'n ffeilio cyfrifon 2 fis yn hwyr o dan Ddeddf Cwmnïau 2006. Byddwn yn dyblu'r gosb arferol o £375 ar gyfer y set honno o gyfrifon ac mae'r cwmni'n tynnu cosb o £750.

Dim ond i gyfrifon sydd heb eu ffeilio neu a gafodd eu ffeilio'n hwyr mewn 2 gyfnod ariannol dilynol o dan Ddeddf Cwmnïau 2006 y bydd y gosb ddwbl yn gymwys.

I osgoi tynnu cosbau ffeilio hwyr neu gosbau dwbl, gweler [cennod 2](#) "Sut i osgoi cosbau ffeilio hwyr".

Rydym wedi rhannu gweddill y bennod hon yn ddwy. Y rheswm am hyn yw bod cyfnodau gwahanol yn cael eu caniatáu i ffeilio'ch cyfrifon yn ôl a ydych yn eu paratoi yn unol â Deddf Cwmnïau 1985 neu Ddeddf Cwmnïau 2006.

RHAN UN – DEDDF CWMNÏAU 2006

MAE'R CANLYNOL YN GYMWYS I GYFNODAU CYFRIFEG YN DECHRAU AR NEU WEDI 6 EBRILL 2008.

Ar gyfer blynyddoedd ariannol yn dechrau **ar neu wedi 6 Ebrill 2008**, cafodd yr amser arferol a ganiateir i ffeilio cyfrifon ei ostwng o 10 mis i 9 mis i gwmnïau preifat, ac o 7 mis i 6 i gwmnïau cyhoeddus. Mae'r canlynol yn egluro sut y bydd hyn yn effeithio ar y ffordd y pennir y terfynau amser ar gyfer cyflwyno cyfrifon derbyniol.

1.1 Pa mor hir sydd gen i i ffeilio cyfrifon cyntaf fy nghwmni?

Os ydych yn ffeilio cyfrifon **cyntaf** eich cwmni ar ôl y corffori a'u bod yn cwmpasu cyfnod o fwy na 12 mis, rhaid eu cyflwyno i'r Cofrestrydd **o fewn 21 mis i'r dyddiad corffori** ar gyfer cwmnïau **preifat** a **18 mis** ar gyfer cwmnïau **cyhoeddus**, neu 3 mis i'r dyddiad cyfeirnod cyfrifeg, p'un bynnag fo hiraf. Er enghraifft, bydd cwmni preifat a gafodd ei gorffori ar 1 Ionawr ac y pennwyd 31 Ionawr fel dyddiad cyfeirnod cyfrifeg iddo – y dyddiad y daw'r cyfnod cyfeirnod cyfrifeg i ben bob blwyddyn – yn cael tan ganol nos ar 1 Hydref y flwyddyn ddilynol (21 mis o ddyddiad y corffori) i gyflwyno'i gyfrifon.

Gweler ein canllaw ar Gyfrifon a Dyddiadau Cyfeirnod Cyfrifeg (cyn ac ar ôl 6 Ebrill 2008) am esboniad manylach o'r termau hyn.

1.2 Pa mor hir sydd gen i fel arfer i ffeilio fy nghyfrifon?

Oni bai eich bod yn ffeilio cyfrifon cynta'ch cwmni (gweler cwestiwn 1), yr amser a ganiateir fel arfer i ffeilio cyfrifon yw:

- 9 mis ar gyfer cwmnïau preifat; a
- 6 mis ar gyfer cwmnïau cyhoeddus

ar ôl diwedd y cyfnod cyfeirnod cyfrifeg perthnasol.

1.3 Os bydda i'n byrhau fy nghyfnod cyfeirnod cyfrifeg, oes rhaid imi ffeilio erbyn y terfyn amser gwreiddiol o hyd?

Nac oes. Os bu ichi newid y dyddiad cyfeirnod cyfrifeg, gan fyrhau'r cyfnod cyfeirnod cyfrifeg drwy hynny, y terfyn amser newydd ar gyfer ffeilio fydd y naill neu'r llall o'r ddau opsiwn canlynol yn awtomatig:

- **9 mis** ar ôl y dyddiad cyfeirnod cyfrifeg newydd i gwmni preifat (**6 mis** i gwmni cyhoeddus); neu
- **3 mis ar ôl y dyddiad y derbyniwyd yr hysbysiad** (ffurflen newid dyddiad cyfeirnod cyfrifeg) **yn Nhŷ'r Cwmnïau**, p'un bynnag fo hiraf.

1.4 Sut byddwch chi'n pennu'r amser a ganiateir i ffeilio cyfrifon o dan Ddeddf Cwmnïau 2006?

Fel arfer, bydd cyfnod o fisoedd ar ôl eich dyddiad cyfeirnod cyfrifeg yn dod i ben ar y dyddiad cyfatebol yn y mis priodol. Er enghraifft, bydd cwmni preifat yn pennwys 5 Ebrill fel dyddiad cyfeirnod cyfrifeg iddo yn cael tan ganol nos ar 5 Ionawr yn y flwyddyn berthnasol i gyflwyno'i gyfrifon. Mae'r diffiniad o gyfnod o fisoedd yn dal yn gymwys i ffeilio cyfrifon cyntaf – gweler [cwestiwn 1](#) uchod.

Fodd bynnag, os bydd y dyddiad cyfeirnod cyfrifeg yn syrthio ar ddydd ola'r mis, bydd y cyfnod a ganiateir ar gyfer ffeilio hefyd yn dod i ben ar ddydd ola'r mis priodol. Mae'r tabl isod yn dangos y terfynau amser ar gyfer cyflwyno cyfrifon yng nghyswllt cyfnodau cyfrifeg yn dechrau ar neu wedi 06 Ebrill 2008:

Diwedd y cyfnod cyfrifeg perthnasol (dyddiad cyfeirnod cyfrifeg)	Terfyn amser ar gyfer cyflwyno cyfrifon:	
	Cwmnïau preifat	Cwmnïau cyhoeddus
Ion 31	Hyd 31	Gorff 31
Chwef 28	Tach 30	Awst 31
Maw 31	Rhag 31	Med 30
Ebr 30	Ion 31	Hyd 31
Mai 31	Chwef 28/29	Tach 30
Meh 30	Maw 31	Rhag 31
Gorff 31	Ebr 30	Ion 31
Awst 31	Mai 31	Chwef 28/29

Medi 30	Meh 30	Maw 31
Hyd 31	Gorff 31	Ebr 30
Tach 30	Awst 31	Mai 31
Rhag 31	Med 30	Meh 30

Sylwer: Os yw'r terfyn amser ar gyfer ffeilio yn dod i ben ar ddydd Sul neu Wyl Banc, mae'r gyfraith o hyd yn mynnu i gyfrifon gael eu ffeilio erbyn y dyddiad hwnnw. Felly, dylech ofalu eu postio mewn pryd fel eu bod yn cyrraedd **cyn** terfyn amser o'r fath er mwyn osgoi cosb.

Cofiwch: Os cyflwynwch eich cyfrifon ar bapur, y dyddiad y bydd y Cofrestrydd yn eu derbyn sy'n bwysig - nid y dyddiad postio.

Os oes gennych chi unrhyw amheuon ynglŷn â'r terfyn amser ar gyfer cyfrifon eich cwmni, cysylltwch â ni ar 0303 1234 500 a gofyn am gadarnhad o'r dyddiad ar gyfer ffeilio'ch cyfrifon. Fel arall, gallwch wirio pa bryd y mae'ch cyfrifon nesa'n ddyledus drwy ddefnyddio [WebCheck](#), gwasanaeth rhad ac am ddim ar ein gwefan www.companieshouse.gov.uk sy'n eich galluogi i chwilio gwybodaeth gwmnïau arbennig.

Os bwriadwch gyflwyno'ch cyfrifon ar bapur, cofiwch mai dyddiad cyflwyno'r cyfrifon i Dŷ'r Cwmnïau sydd yn bwysig - nid y dyddiad postio.

RHAN DAU – DEDDF CWMNÏAU 1985

MAE'R CANLYNOL YN GYMWYS I GYFNODAU CYFRIFEG YN DECHRAU CYN 6 EBRILL 2008.

2.1 Pa mor hir sydd gen i i ffeilio cyfrifon cyntaf fy nghwmni?

Os ydych yn ffeilio cyfrifon **cyntaf** eich cwmni ar ôl y corffori a'u bod yn cwmpasu cyfnod o fwy na 12 mis, rhaid eu cyflwyno i'r Cofrestrydd **o fewn 22 mis i'r dyddiad corffori** ar gyfer cwmnïau **preifat** a **19 mis** ar gyfer cwmnïau **cyhoeddus**, neu 3 mis i'r dyddiad cyfeirnod cyfrifeg, p'un bynnag fo hiraf. Er enghraifft, bydd cwmni preifat a gafodd ei gorffori ar 1 Ionawr ac y pennwyd 31 Ionawr fel "dyddiad cyfeirnod cyfrifeg" iddo – y dyddiad y daw'r cyfnod cyfeirnod cyfrifeg i ben bob blwyddyn – yn cael tan ganol nos ar 1 Tachwedd y flwyddyn ddilynol (22 mis o ddyddiad y corffori) i gyflwyno'i gyfrifon, *nid 30 Tachwedd*.

2.2 Pa mor hir sydd gen i fel arfer i ffeilio fy nghyfrifon?

Oni bai eich bod yn ffeilio cyfrifon cynta'ch cwmni ([gweler cwestiwn 1](#)), yr amser a ganiateir fel arfer i gyflwyno cyfrifon i Dŷ'r Cwmnïau yw:

- 10 mis o ddiwedd y cyfnod cyfrifeg perthnasol ar gyfer cwmnïau preifat; a
- 7 mis o ddiwedd y cyfnod perthnasol ar gyfer cwmnïau cyhoeddus.

Os bu ichi newid y dyddiad cyfeirnod cyfrifeg, gan fyrhau'r cyfnod cyfeirnod cyfrifeg drwy hynny, y terfyn amser newydd ar gyfer ffeilio fydd y naill neu'r llall o'r ddau opsiwn canlynol:

- **10 mis** ar ôl y dyddiad cyfeirnod cyfrifeg newydd (sef, dydd ola'r cyfnod cyfeirnod cyfrifeg newydd) i gwmni preifat (**7 mis** i gwmni cyhoeddus); neu
- **3 mis ar ôl y dyddiad y derbyniwyd yr hysbysiad** (ffurflen newid dyddiad cyfeirnod cyfrifeg) **yn Nhŷ'r Cwmnïau**, p'un bynnag fo hiraf.

Mae'r tabl isod yn dangos y dyddiadau ar gyfer cyflwyno cyfrifon yn arferol. Nid yw'n gymwys i gyfrifon cynta'r cwmni os yw'r cyfnod cyfrifeg yn hirach na 12 mis ([gweler cwestiwn 1](#)).

Diwedd y cyfnod cyfrifeg perthnasol (dyddiad cyfeirnod cyfrifeg)	Terfyn amser ar gyfer cyflwyno cyfrifon:	
	Cwmnïau preifat	Cwmnïau cyhoeddus
Ion 31	Tach 30	Awst 31
Chwef 28	Rhag 28	Medi 28
Maw 31	Ion 31	Hyd 31
Ebr 30	Chwef 28/29	Tach 30
Mai 31	Maw 31	Rhag 31
Meh 30	Ebr 30	Ion 30
Gorff 31	Mai 31	Chwef 28/29
Awst 31	Meh 30	Maw 31
Medi 30	Gorff 30	Ebr 30
Hyd 31	Awst 31	Mai 31
Tach 30	Medi 30	Meh 30
Rhag 31	Hyd 31	Gorff 31

Os na ddaw cyfnod cyfeirnod cyfrifeg eich cwmni i ben ar ddiwrnod ola'r mis, yna bydd pob cyfnod a ganiateir ar gyfer cyflwyno cyfrifon yn diweddu ar y dyddiad cyfatebol yn y mis priodol. Er enghraifft, bydd cwmni preifat y pennwyd 10 Medi fel dyddiad cyfeirnod cyfrifeg ([DCC](#)) iddo yn cael tan 10 Gorffennaf ([nid](#) 31 Gorffennaf) y flwyddyn ddilynol i gyflwyno'i gyfrifon.

Cadwch mewn cof y diffiniad o gyfnod o fisoedd mewn cysylltiad â ffeilio cyfrifon a'r ffordd y pennir y bandiau cosbau:

- Bydd cyfnod o fisoedd ar ôl dyddiad penodedig **bob amser** yn dod i ben ar y dyddiad cyfatebol yn y mis priodol. Er enghraifft, bydd cwmni preifat y pennwyd 30 Medi fel [DCC](#) iddo yn cael tan ganol nos ar 30 Gorffennaf y flwyddyn ddilynol i gyflwyno'i gyfrifon, nid 31 Gorffennaf.

- Os nad oes dyddiad cyfatebol, diwrnod ola'r mis fydd yn gymwys. Er enghraifft, bydd cwmni preifat y pennwyd 30 Ebrill fel DCC iddo yn cael tan ganol nos ar 28/29 Chwefror y flwyddyn ddilynol i gyflwyno'i gyfrifon.

Mae'r diffiniad o gyfnod o fisoedd hefyd yn gymwys i ffeilio cyfrifon cyntaf – gweler cwestiwn 1 uchod.

Mae'r ffordd y pennir y cyfnod a gaiff ei ganiatáu i ffeilio cyfrifon cwmnïau wedi newid ar gyfer cyfnodau cyfrifeg sy'n dechrau ar neu wedi 6 Ebrill 2008 – gweler cwestiwn 1.4 o dan 'Deddf Cwmnïau 2006'.

Sylwer: Os yw'r terfyn amser ar gyfer ffeilio yn dod i ben ar ddydd Sul neu Wyl Banc, mae'r gyfraith o hyd yn mynnu i gyfrifon gael eu ffeilio erbyn y dyddiad hwnnw. Felly, dylech ofalu eu hanfon mewn pryd fel eu bod yn cyrraedd **cyn** terfyn amser o'r fath er mwyn osgoi cosb.

Pwysig: Os oes gennych chi unrhyw amheuon ynglŷn â'r terfyn amser ar gyfer cyfrifon eich cwmni, cysylltwch â ni ar 0303 1234 500 a gofyn am gadarnhad o'r dyddiad ar gyfer ffeilio'ch cyfrifon. Fel arall, gallwch wirio pa bryd y mae'ch cyfrifon nesa'n ddyledus drwy ddefnyddio WebCheck, gwasanaeth rhad ac am ddim ar ein gwefan www.companieshouse.gov.uk sy'n eich galluogi i chwilio gwybodaeth gwmnïau arbennig.

Cofiwch: Os cyflwynwch eich cyfrifon ar bapur, dyddiad dod i law'r Cofrestrwydd sydd yn bwysig - nid y dyddiad postio.

Pennod 2

Sut i osgoi cosbau ffeilio hwyr

1. Sut galla i osgoi cosbau?

Caniatewch ddigon o amser i sicrhau bod eich cyfrifon yn cyrraedd Tŷ'r Cwmnïau o fewn y cyfnod a ganiateir. Oes cyflwynwch eich cyfrifon ar bapur, dylech gadw mewn cof nad oes gwarant y bydd y post dosbarth cynta'n cyrraedd drannoeth, felly os yw'r terfyn amser ar gyfer ffeilio yn agos, ceisiwch ystyried dulliau dosbarthu gwarantedig a fydd yn sicrhau bod eich cyfrifon yn cyrraedd mewn pryd.

Cofiwch: bydd y cwmni'n tynnu cosb os caiff eich cyfrifon eu hoedi yn y post.

Gallwch bellach ffeilio rhai categorïau o gyfrifon drwy ddefnyddio'n gwasanaethau Software Filing neu WebFiling. Galwch heibio i'n gwefan www.companieshouse.gov.uk am ragor o wybodaeth. Os ffeiliwch eich cyfrifon yn electronig, cewch e-bost yn cydnabod bod eich cyfrifon wedi dod i law yn Nhŷ'r Cwmnïau.

I'ch helpu i ffeilio'n brydlon, hwyrach y carech chi ystyried yr awgrymiadau canlynol:

- cadwch gofnod yn eich dyddiadur neu'ch calendr i'ch atgoffa mewn da bryd am y terfynau amser ar gyfer ffeilio;
- darllenwch y llythyrau atgoffa a anfonwn i'ch swyddfa gofrestredig;
- os bydd hynny'n briodol, cyfarwyddwch eich cyfrifwyr mewn da bryd a'u hatgoffa am angen paratoi a chyflwyno'ch cyfrifon yn brydlon;
- D.S.cofiwch chi sy'n atebol

2. Ga i wneud cais am amser ychwanegol i ffeilio?

Os oes rheswm arbennig dros wneud, cewch wneud cais i Dŷ'r Cwmnïau am estyn yr amser ar gyfer rhoi cyfrifon gerbron a'u cyflwyno. Efallai yr hoffech chi wneud hyn os, er enghraifft, y bu digwyddiad annisgwyl oedd y tu hwnt i reolaeth y cwmni a'i archwilwyr ariannol ac sy'n golygu na fydd y cyfrifon yn cyrraedd mewn pryd.

Rhaid ichi wneud y cais yn ysgrifenedig a'i gyflwyno **cyn** y terfyn amser arferol ar gyfer ffeilio. Rhaid iddo gynnwys esboniad llawn o'r rhesymau dros yr estyn a hyd yr estyniad a geisir.

Ar gyfer cwmnïau wedi'u corffori yng Nghymru a Lloegr, ysgrifennwch i:

Tŷ'r Cwmnïau
Ffordd y Goron
Caerdydd
CF14 3UZ
DX33050 Caerdydd 1

Ar gyfer cwmnïau wedi'u corffori yn yr Alban, ysgrifennwch i:

Companies House
4th Floor
Edinburgh Quay 2
139 Fountainbridge
Edinburgh EH3 9FF

DX ED235 Edinburgh 1
neu
LP – 4 Edinburgh 2

3. Beth os bydd Tŷ'r Cwmnïau yn gwrthod fy nghyfrifon am eu bod yn anghywir?

Ni allwn dderbyn cyfrifon nes eu bod yn bodloni gofynion Deddf Cwmnïau 1985 neu Ddeddf Cwmnïau 2006, yn ôl pa Ddeddf y caiff y cyfrifon eu ffeilio o

dani. Os, er enghraifft, y bydd llofnod yn colli, fe'u dychwelwn i gael eu diwygio. Gall hyn olygu cosb ffeilio hwyr os cyflwynwch y cyfrifon yn hwyr.

I osgoi problemau, argymhellwn gyflwyno cyfrifon cyn gynted ag y byddant wedi eu cwblhau ac mor hir yn ôl â phosib cyn diwedd y cyfnod a ganiateir ar gyfer cyflwyno. Sylwch na dderbynnir copiâu adlun (ffacs) o ddogfennau i gael eu cofrestru. Y ffordd gyflymaf a hawsaf i sicrhau bod eich cyfrifon yn cael eu cyflwyno'n brydlon yw defnyddio'n gwasanaethau Software Filing neu WebFiling. Gellir bellach ffeilio rhai categorïau o gyfrifon o dan y gwasanaethau hyn. Galwch heibio i'n gwefan www.companieshouse.gov.uk am ragor o fanylion.

Pennod 3

Unwaith y gosodwyd cosb ffeilio hwyr

1. Sut bydda i'n gwybod pan fydd cosb yn ddyledus?

Os cyflwynir cyfrifon yn hwyr, caiff anfoneb ei gyrru'n awtomatig i gyfeiriad eich swyddfa gofrestrdig.

2. Beth fydd yn digwydd os na thelir y gosb?

Caiff y ddyled ei hatgyfeirio i sylw cynrychiolwyr casglu os deil heb ei thalu gennych. Gellir cymryd camau cyfreithiol, gan arwain, o bosibl, at ddyfarniad mewn Llys Sirol neu Lys Siryf yn erbyn eich cwmni.

3. Beth sy'n digwydd os gwna i adfer cwmni i'r Gofrestr?

Os adferwch chi gwmni a gafodd ei ddileu o'r gofrestr a'i ddiddymu, mae'r gyfraith yn ystyried ei fod wedi parhau mewn bodolaeth fel na chawsai mo'i ddileu erioed. Bydd cyfrifon a gaiff eu ffeilio wrth adfer yn agored i gosbau ffeilio hwyr os cyflwynwch chi nhw'n hwyr.

Wrth benderfynu lefel unrhyw gosb, anwybyddwn fel arfer y cyfnod pan oedd y cwmni wedi ei ddiddymu.

Fel arfer, ni chasglwn gosbau ffeilio hwyr yng nghyswllt cyfrifon a ddaeth yn ddyledus pan oedd y cwmni wedi ei ddiddymu ond a dderbyniwyd pan gafodd ei adfer.

Fodd bynnag, bydd set o gyfrifon y dylid fod wedi eu cyflwyno 2 fis cyn diddymu cwmni preifat yn dal i gael eu hystyried gennym 2 fis yn hwyr os cânt eu cyflwyno gennych wrth adfer y cwmni - £100 o hyd fydd y gosb ffeilio hwyr (neu £150 os cânt eu cyflwyno ar ôl 1 Chwefror 2009, am mai dyma'r gyfradd briodol ar gyfer cyfrifon a gaiff eu cyflwyno ar ôl y dyddiad hwn). (Gweler [pennod 1](#), [cwestiwn 2](#) am dabl yn rhestru lefelau'r cosbau cyfredol am ffeilio hwyr.)

Am ragor o wybodaeth ynghylch adfer, gweler ein llyfryn '[Dileu o'r Gofrestr, Diddymu ac Adfer](#)' neu, ar gyfer cwmnïau wedi eu cofrestru yn yr Alban, '[Strike-off, Dissolution and Restoration \(Scotland\)](#)'.

Pennod 4

Gwybodaeth bellach

1. A yw cosbau ffeilio hwyr yn gymwys i unrhyw ddogfennau eraill?

Nac ydyn. Dim ond i gyfrifon.

2. A yw cosbau ffeilio hwyr yr un fath â'r dirwyon a gaiff eu gosod ar gyfarwyddwyr am beidio â ffeilio cyfrifon?

Nac ydyn. Maen nhw'n hollol wahanol. Caiff cosbau ffeilio hwyr eu gosod ar y cwmni o dan y gyfraith sifil. Gall methiant i dalu cosb ffeilio hwyr arwain at ddyfarniad gan y Llys Sirol (neu'r Llys Siryf) yn erbyn y cwmni.

Mae methiant i ffeilio cyfrifon yn dramgwydd troseddol a all olygu dirwy bersonol i'r cyfarwyddwyr yn y llysoedd troseddol.

Pwysig: Gallai cosb a dirwy fod yn daladwy am yr un set o gyfrifon os na chânt mo'u ffeilio mewn pryd.

3. Oes gan y Cofrestrydd unrhyw ryddid i gasglu cosb neu beidio?

Mae gan y Cofrestrydd ryddid cyfyngedig iawn i beidio â chasglu cosb. Dim ond o dan amgylchiadau eithriadol y bydd yn manteisio arno. Mae gwybodaeth bellach am gosbau ffeilio hwyr i'w chael yn ein canllaw "[Cosbau Ffeilio Hwyr – Apeliadau](#)" ar wefan Tŷ'r Cwmnïau.

Cofiwch: Ni wireddir danfoniad dogfen i'r Cofrestrydd nes iddi ddod i'w law.

Angen gwybodaeth bellach?

Pwysig: Os oes gennych chi unrhyw amheuan ynglŷn â'r terfyn amser ar gyfer cyfrifon eich cwmni, cysylltwch â ni ar 0303 123 4500 a gofyn am gadarnhad o'r dyddiad ar gyfer ffeilio'ch cyfrifon. Fel arall, gallwch wirio pa bryd y mae'ch cyfrifon nesa'n ddyledus drwy ddefnyddio [WebCheck](#), gwasanaeth rhad ac am ddim ar ein gwefan www.companieshouse.gov.uk sy'n eich galluogi i chwilio gwybodaeth gwmnïau arbennig.

4. Ble galla i gael ffurflenni a llyfrynnau canllaw?

Mae hwn yn un o gyfres o lyfrynnau gan Dŷ'r Cwmnïau sy'n rhoi arweiniad syml i'r Deddfau Cwmnïau, gan gynnwys canllaw ar y broses apelio ynghylch Cosbau Ffeilio Hwyr.

Mae ffurflenni statudol a llyfrynnau canllaw ar gael, yn rhad ac am ddim, gan Dŷ'r Cwmnïau. Y ffordd gyflymaf i'w sicrhau yw drwy'n gwefan neu drwy ffonio 0303 1234 500.

Gellir hefyd gael ffurflenni gan ddogfenwyr cyfreithiol, cyfrifwyr, cyfreithwyr ac asiantiaid ffurfio cwmnïau – cyfeiriadau mewn llyfrau ffôn ar gyfer busnesau.

5. Sut dylwn i anfon gwybodaeth at y Cofrestrydd?

Y ffordd fwyaf diogel o anfon gwybodaeth statudol i Dŷ'r Cwmnïau yw drwy ddefnyddio'n gwasanaethau ffeilio ar-lein. Am ragor o wybodaeth a manylion cofrestru, ymwelwch â'n gwefan www.companieshouse.gov.uk

Gallwch chi gyflwyno dogfennau i'r Cofrestrydd â llaw (yn bersonol neu drwy negesydd), gan gynnwys y tu allan i oriau swyddfa, dros wyliau banc a thros y penwythnos i Gaerdydd, Llundain a Chaeredin.

Gallwch chi hefyd gyflwyno dogfennau drwy'r post, drwy'r Gwasanaeth Cyfnewid Dogfennau (DX), neu drwy'r Post Cyfreithiol (LP) yn yr Alban.

Os anfonwch chi ddogfennau drwy'r post, byddwch cystal â'u cyfeirio at:

Ar gyfer cwmnïau wedi eu corffori yng Nghymru a Lloegr:	Ar gyfer cwmnïau wedi eu corffori yn yr Alban:
Tŷ'r Cwmnïau Ffordd y Goron Caerdydd CF14 3UZ	Companies House 4th Floor Edinburgh Quay 2 139 Fountainbridge Edinburgh EH3 9FF
DX33050 Caerdydd 1	DX ED235 Edinburgh 1 neu LP – 4 Edinburgh 2

Os ydych yn anfon dogfennau drwy'r post, drwy negesydd neu drwy'r drefn Cyfnewid Dogfennau (DX) a'ch bod yn dymuno cael derbynneb, bydd Tŷ'r Cwmnïau yn darparu cydnabyddiaeth os amgaewch chi gopi o'ch llythyr eglurhaol gydag amlen stampiedig ac arni eich cyfeiriad dychwelyd. Bydd y côd bar a roddwn ar eich llythyr copi yn cyfleu'r dyddiad dod i law ac fe ddychwelwn y copi yn yr amlen a ddarparwch. Dim ond os darparwch chi amlen stampiedig yn dangos cyfeiriad dychwelyd y byddwn yn cydnabod i ddogfennau ddod i law yn Nhŷ'r Cwmnïau. Ond os defnyddiwch ein gwasanaethau ffeilio ar-lein, cewch e-bost awtomatig yn cydnabod y dod i law.

Sylwer: nid yw cydnabyddiaeth dod i law yn golygu bod dogfen wedi ei derbyn i'w chofrestru yn Nhŷ'r Cwmnïau.

Sylwer: nid yw Tŷ'r Cwmnïau yn derbyn cyfrifon na dogfennau statudol eraill dros beiriant ffacs nac ar ddiwyg PDF.

sut i gysylltu â ni

Canolfan Cysylltu: 0303 1234 500*
Mini-com: 029 2038 1245
enquiries@companieshouse.gov.uk
www.companieshouse.gov.uk

*Er dibenion hyfforddi a sicrhau ansawdd,
fe allai eich galwad gael ei monitro

Caerdydd

Tŷ'r Cwmnïau
Ffordd y Goron, Caerdydd CF14 3UZ
Ffacs: 029 2038 0900

Caeredin

Companies House
4th Floor
Edinburgh Quay 2
139 Fountainbridge
Edinburgh EH3 9FF

Ffacs: 0131 535 5820

Llundain

Companies House
21 Bloomsbury Street, London WC1B 3XD
Ffacs: 029 2038 0900